



COMUNE DE ROMANA

DELIBERATZIONE DE SA GIUNTA COMUNALE N. 23 DE SU 23/02/2023

OGETU: CONTRIBUTOS PRO SA PROMOTZIONE DE SA PRÀTICA ISPORTIVA. APROVATZIONE INDIRITZOS A SA RESPONSÀBILE.

S' annu duamìgia e bintitres sa die bintitres de su mese de Freàrgiu a sas 11:00, in sa SALA GIUNTA, acumpridas in antis totu sas formalidades prevididas dae sa Lege e dae s'Istatutu, s'est reunida sa Giunta Comunale suta de sa presidèntzia de su Sìndigu CATTE LUCIA.

A s'apellu nominale resurtat:

CÀRRIGA	SAMBENADU E NÙMENE	PRESENTE
SÌNDIGU	CATTE LUCIA	EMMO
VITZESÌNDIGU	PISANU DARIO	EMMO
ASSESSORE	MELONI PIETRO	EMMO
ASSESSORE	SOLE VALERIA	NONO

Presenti n° 3 Assenti n° 1

Partètzipat su Segretàriu Generale DUT. CARTA GIANCARLO, chi providit a redatzionare custu verbale.

Essende legale su nùmeru de sos interbènnidos, su Sìndigu CATTE LUCIA, in sa calidade sua de Presidente, leat sa presidèntzia e decrarat aberta sa setziada pro trattare s'ogetu torradu a giùghere in subra.

SA GIUNTA COMUNALE

PREMITIDU chi custa amministratzione cheret promòvere formas de collaboratzione cun sos assòtzios isportivos presentes e chi òperant in su territòriu chi, in sa bisione de pessighire sos obietivos programmàticos, costituint una resursa pretziosa in sa bisione de sa sussidiariedade orizzontale;

CONSIDERADU chi dae annos assòtzios diferentes senna punna de balangiare òperant, cun sòtzios medas voluntàrios chi s'interessant de cultura, atividades sotziales e isportivas;

RECRAMADA sa Delibera de Consìgiu Comunale n. 16 de su 30.04.2019 de aprovatzione de su *Reglamentu pro s'istitutzione de s'albu e sa cuntzessione de contributos a organismos de assòtziu*;

BIDU CHI est punna de custa Amministratzione promòvere sa pràtica isportiva comente atzione de promotzione de su benèssere de sa comunidade in particolare de sos pitzinnos e de sos giòvanos de sa comunidade;

RITÈNNIDU de dèvere afidare sos acumprimentos imbenientes e chi cunsighint custu atu deliberativu a su responsàbile de s'Àrea Sòtziu - Culturale

ACCHISIDOS sos parres a favore cunforma a s'art. 49 de su d.lgs. n. 267/2000 e mm.ii.ii.;

Cun votatzione de sos presentes totu de acordu e a favore,

DELÌBERAT

1. DE APROVARE sas premissas narrative e motivatzionales chi inoghe si cunsiderant recramadas de su totu;
2. DE RECONNÒSCHERE chi su contributu prevididu che pare a € 2.000,00 èuros est pro sa cumpartetzipatzione de sas ispesas pro sa realizatzione de sa pràtica isportiva in Romana pro s'annu 2023;
3. DE RECONNÒSCHERE chi sos contributos dados a sos assòtzios sunt sugetos a rendicontatzione;
4. DE LEARE IN CONTU s'ispesa chi derivat dae custu atu a su capìtolu 6317.01 codifica de bilàntziu 1.04.05.04.001;
5. DE APOSTIVIGARE chi in base a su printzìpiu de autonòmia organizzativa de su cale a s'art. 5 de su d.lgs n. 165/2001 e mm.ii.ii. e in aplicatzione de su printzìpiu de sussidiariedade orizzontale, de su cale a s'art. 118 Cost., chi sa realizatzione de s'atividade isportiva promòvida dae su Comune, ant a èssere acumpridas cun s'interessamentu de sos Assòtzios chi ant a dare sa disponibilidade a atuare formas

idòneas de collaboratzione e de cooperatzione de pare a pare cun custu Ente;

6. DE AFIDARE a su Responsàbile de s'Àrea Sòtziu-Culturale in òrdine a sos acumprimentos chi cunsighint a custa deliberatzione, cun atentu particolare a s'ammanadura de un'avisu pùblicu idòneu a manifestatzione de interessu, indirizadu a sos Assòtzios interessados, pro dare atuatzione a formas de collaboratzione e de cooperatzione de pare a pare pro sas finalidades giai espressadas.

Cun àtera votatzione de sos presentes a favore e totu de acordu,

DELÌBERAT, PURU,

s'esecutabilidade immediata de su providementu, cunforma a s'art. 134 comma 4 de su d.lgs. n.267/2000 e mm.ii.ii., bida s'urgèntzia de nd'assegurare su perfetzionamentu sollìtzitu de sas finalidades suas.

PARRE DE REGULARIDADE TÈCNICA

Cunforma a s'art. 49 c.1 de su T.U.E.L. su Dirigente/P.O. **D.RA CONTINI ANTONELLA** in data **23/02/2023** at espressadu parre A **FAVORE**

PARRE DE REGULARITA' CONTÀBILE

Cunforma a s'art. 49 c.1 de su T.U.E.L. su Dirigente/P.O. **CALARESU CARMELA** in data **23/02/2023** at espressadu parre a **FAVORE**

Su Presidente
Sindigu CATTE LUCIA

Su Segretàriu Generale
DUT. CARTA GIANCARLO

NOTA DE PUBLICATZIONE N. 110

Cunforma a s'art. 124 de su T.U. 267/2000 su Responsàbile de sa Publicatzione **DUT. CARTA GIANCARLO** atestat chi in data 23/02/2023 s'est protzèdidu a sa publicatzione in s'Albu Pretòriu.

Sa Delibera est esecutiva cunforma a sas dispositziones de lege in vigèntzia